



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1143. Usque Ad Annum 1176

**Fleury, Claude**

**August. Vind. [u.a.], 1762**

**VD18 90118014**

§. 28. Duorum Regum Crucigerorum profectio.

---

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII.  
A.C. 1147.

§. XXVIII.

*Profectio duorum Regum Crucigerorum.*

*Nicet lib. 1. n. 4. p. 41. Cinnam. lib. 2. n. 12. p. 37.* Inter hæc ambo Reges Conradus & Ludovicus singuli in ditiones Manuelis Imperatoris pervenerunt, quem innumerabiles Germanorum Francorumque exercitus in extremas compellebant angustias. Misit de suis, qui venientium itinera explorarent; quamvis vero illi affirmarent, nullo alio consilio se adesse, quam ut, impetrata transeundi licentia, Terram Sanctam inviserent, & oppressum Orientem ab Infidelium jugo liberarent, nihilominus Græci viribus destituti, & suspicione agitati, certissime credebant, venisse Occidentis populos, ut se Imperio Orientis exuerent. Sed nec Crucigeri ita disciplina militari continebantur, ut omnem Græcorum metum pellerent. Manuel igitur intelligens, se vi aperta nihil effecturum, ad fraudes conversus est, & postquam verba dedisset in speciem humanissima, Crucigeros per angustos calles iter facientes ab immisis copiis sterni jussit. Porro Germanis, urbes petentibus, ut alimenta emerent, clausæ portæ objiciebantur. Tum Græci, in mœnibus stantes, funem demittebant & Crucigerorum pecuniam recipiebant. Ac demum suo arbitrio,

arbitrio, quod videbatur, vel panem Sæcul. XII.  
 vel alias escas dabant. Sæpe accepta A.C. 1147.  
 pecunia ex oculis eorum se proripientes  
 nihil reddebant, sæpe farinae, quam ipsis  
 venundabant, exquisita perfidia calcem  
 admiscebant. Tam tetri facinoris au-  
 ctor Manuel Imperator esse dicebatur.  
 Illud vero constat, eum nummos cudi  
 iussisse, minore quam fas erat, valore,  
 qui sacris militibus, si qua forte ven-  
 derent, in pretium redderentur. Deni-  
 que nullius generis nequitiae pepercit,  
 qua vel per se vel per suos noceret, sic-  
 que Crucigerorum posteris miserando Pa-  
 trum suorum exemplo discerent, in ter-  
 ras Imperii Græci pedem non inferre, nisi  
 perire vellent. Hæc verba a Niceta,  
 Scriptore Græco, accepimus.

Rex Conradus mense Septembri Otto I. Fris.  
 anno millesimo centesimo quadragesimo c. 47.  
 septimo Constantinopolim pervenit, Guil. Tyr.  
 Hellespontum trajecit, & cum exercitu Lib. XVI.  
 in Natoliam processit, acceptis viæ duci- c. 19. 20.  
 bus, quos ei Manuel Imperator dedit. Gest. Lud.  
 Ubi in hosticum delati sunt, Præfecti Duchesn.  
 militares a Græcis monentur; annonam to. 4.  
 comportarent in aliquot dies, quibus  
 per loca deserta procedendum esset, ut  
 compendio uterentur, tum enim ad mœ-  
 nia Iconii urbis, in fertilissimo solo po-  
 sitæ perventuros. At ignaros locorum  
 in vias impeditas, & averfas deduxerunt,

Sæcul. XII. ubi ab hostibus facillime vinci possent.  
A. C. 1147. Tempore, quod Græculi præstitu-  
 erant, consumto, Rex Conradus jur-  
 gari cœpit, quod adhuc procul ab Iconio  
 hærerent. Et illi affirmare, quod intra  
 triduum civitatem Iconiensem visuri  
 essent. Sed, malum! nocte sequente  
 fuga se se proripientes, Germanorum  
 exercitum in sterili regione & impervia  
 destituunt, cum nec unum hominem in  
 tanta multitudine reperire esset, qui mo-  
 dum aut viam evadendi sciret.

## §. XXIX.

*Sacra Expeditio male vertit.*

Sultanus Iconiensis Turca Seliucida, a  
 Manuele Imperatore per nuncios  
 monitus, universas vires collegerat, qui-  
 bus Crucigeros exciperet. Tunc ergo  
 in Germanos cum equis suis inedia usque  
 adeo debilitato, ut vix armis por-  
 tandis sufficerent, irruit. Atque ita de  
 exercitu septuaginta millium virorum  
 gravis armaturæ & peditum infinita pro-  
 pe multitudine vix decima pars ferrum  
 hostium evasit. Hanc cladem Crucigeri  
 mense Novembri anno millesimo cen-  
 tesimo quadragesimo septimo accepe-  
 runt. Rex Conradus, fuga elapsus, Ni-  
 ceam se recepit, ubi Regem Ludovicum  
 habuit, qui paulo serius ac Conradus  
 Constantinopolim perveniens, & hu-  
 manissime

c. 22.